



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

Jaguh silat Alauddin hadapi cabaran sengit

Berita Harian, 3 February 1997, Page 11

Article also available on Microfilm Reel NL20912

Printer-Friendly Page

Jaguh silat Alauddin hadapi cabaran sengit

OLAHRAGAWAN-OLAHRAGAWATI 1996

JUARA silat dunia, Sheik Alauddin Yaacob, menghadapi persaingan sengit untuk merebut anugerah tertinggi Ahli Sukan Republik 1996.

Ini berikutan dengan adanya tujuh lagi pencalonan untuk merebut anugerah Olahragawan yang diterima oleh Majlis Olimpik Kebangsaan Singapura (SNOC) pada hari penutup Jumaat lalu.

Pesaing kuat yang pasti dihadapi Sheik Alauddin, juara silat dunia 1995 dan juara Undangan Malaysia 1996, pasti datangnya dari pemenang pingat emas Kejohanan Wushu Asia, Picaso Tan.

Malah ahli ski air, Roger Koa, 26 tahun, juara keseluruhan Kejohanan Ski Air Asia dan Asia Australia (di Korea) tahun lalu, juga merupakan pencabar kuatnya.

Tidak selesai di situ, Sheik Alauddin, yang telah menunjukkan persembahan mantap sejak menyandang kejohanan dunia 1992, akan terus menerima cabaran dari peserta dayung, Chua Lai Sian, yang tampil sebagai juara Kejohanan Dayung Asia Tenggara.

Malah dua peserta bowling, Sam Goh dan Tommy Ong, yang telah menunjukkan persembahan terbaik mereka di Kejohanan AMF Piala Dunia di Ireland, turut bersaing sama.

Majlis Sukan bagi Orang-Orang Cacat (SSCD), turut mengemukakan seorang pesaing untuk merebut anugerah tertinggi itu dengan menamakan Frankie Thanapal, yang berjaya memenangi beberapa pingat menerusi acara kerusi beroda dan renang di kejohanan Orang-Orang Cacat Sedunia.

Buat julung-julung kali, Persatuan Renang Amatir Singapura (Sasa), Persatuan Kapal Layar Singapura (SYA) dan Persatuan Atletik Amatir Singapura (SAAA), tidak menamakan sebarang calon untuk merebut anugerah Olahragawan.

Sebaliknya buat julung-julung kali pula, Persekutuan Silat Singapura (Persisi) telah mencalonkan dua pesilat lelaki untuk merebut anugerah Olahragawan dan seorang pesilat wanita untuk anugerah

Oleh | MOHD SANI ALI

Olahragawati.

Selain daripada Sheik Alauddin, Persisi juga menamakan Abdul Kadir Mohamed Ibrahim, pemenang pingat emas Kejohanan Silat Malaysia di Kuching, bersama Siti Fairuza Zainuddin.

Menurut setiausaha agung Persisi, Jamaluddin Jamil, pencalonan Sheik Alauddin lebih didasarkan kepada persembahan mantap pesilat itu sejak menjuarai kejohanan nasional dan Sukan SEA Chiangmai 1995.

Pencalonan Kadir juga turut mendapat sokongan Persisi ekoran kejayaannya di Kuching di samping memenangi pingat perak di Chiangmai.

Bagi Sheik Alauddin, ini merupakan pencalonannya yang kelima untuk anugerah tertinggi itu, tetapi sejauh ini pesilat berusia 29 tahun itu hanya berjaya merebut Anugerah Penghargaan sahaja.

Anugerah Olahragawati 1996 pula merupakan perebutan antara empat penjuru — Jin Jun Hong (tenis meja), Siti Fairuza (silat), Tan Mui Buay (wushu) dan Cassandra Chiu dari SSCD.

Kongres Tenpin Bowling Singapura (STBC) telah menamakan pasukan lelaki dan wanitanya untuk Anugerah Pasukan Terbaik, Jurulatih Terbaik, di samping membariskan sembilan pesertanya untuk Anugerah Penghargaan bersaing dengan lapan lagi peserta lain.

Pengumuman pemenang akan dibuat bulan depan.



SHEIK ALAUDDIN:
Hadapi tujuh lagi
pencabar lain.

SENARAI PENCALONAN

<h3>OLAHRAGAWAN</h3> <p>Sam Goh (bowling) Tommy Ong (bowling) Sheik Abuddin Yacob (silat) Abdul Kadir Mool Ibrahim (silat) Pleaso Tan (wushu) Frankie Thanapat (SSCO) Chua Lai Sien (dayung) Roger Koo (ekidair)</p>	<h3>JURULATIH TERBAIK</h3> <p>William Woo Nam Fatt (bowling) Michael Wayne Boroskas (bowling) Harcharan Singh (SSCO)</p>
<h3>OLAHRAGAWATI</h3> <p>Jing Jun Hong (tenis meja) Cassandra Goh (SSCO) Shi Fairzan (silat) Tan Mui Suay (wushu)</p>	<h3>ANUGERAH PENGHARGAAN</h3> <p>Thum Ping Jin (renang) Gerald Koh (renang) Sng Jia Wei (renang) Tan Pany Fern (tenis meja) Ricky Ng (bowling) Tan Yong Seng (bowling) Jack Wong (bowling) Adam Chew (bowling) Jasmine Ho (bowling) Dorpen Pang (bowling) Katherine Lee (bowling) Eaine Yong (bowling) Alice Tay (bowling) Chiu Hui Wai (wushu) Tan Weam How (kapal layar) See Shaw Her (kapal layar) Charles Lim (kapal layar)</p>
<h3>PASUKAN TERBAIK</h3> <p>Pasukan bowling lelaki - Lima sepasuk</p> <p>Ong Bee Chay, Jack Wong, Sam Goh, Adam Chew, Ricky Ng, Tan Yong Seng</p> <p>Pasukan bowling wanita - Lima sepasuk</p> <p>Eaine Yong, Grace Young, Katherine Lee, Dorpen Pang, Jasmine Ho, Alice Tay</p>	